

CANCEL:  
MARTIS B:  
1717:

\*

Zu Ob Lc




DECANUS  
 COMMUNITATIS ARTIUM  
 AD  
 SOLENNITATEM  
 RENUNTIANDIS LITERARUM SUARUM  
**BACCALAUREIS**


AD  
*INSTANTEM PROXIME SATURNI DIEM*  
 H. L. Q. C.  
 QUIBUS FIERI CONSUEVIT, CEREMONIIS  
 CELEBRANDAM  
 QUIBUS DECET, HUMANITATIS STUDIIS  
 INVITAT.



DECANUS  
COMMUNITATIS ARTIUM  
AD  
SOLENNITATEM  
RENUITIANDIS LITTERARUM SUARUM  
BACCALAUREIS  
AD  
INSTANTEM PROXIMA SATURAS DIEM  
H. L. O. C.  
QUIBUS HIERI CONSEVIT CEREMONIIS  
CELEBRANDAM  
QUIBUS DECEET HUMANITATIS STUDII  
IN VITAT.



J. N. R. J.



Xtremus labor, quo præterlapſa pro-  
xime aſtatis Pro-Decanatus functus  
eſt, ad oblaturam ſe novam oppor-  
tunitatem cætera reſervavit, quæ ad  
declaranda media ſpectant, quibus  
impetentes extra ordinem concita-  
tionis in rem familiarem ſortis in-  
ſultus vel evitari, vel ſuſtineri, vel retundi etiam & repelli  
poſſint. Ecce autem, quæ expectata eſt, occaſionem!  
Subjungemus igitur, quæ in materia, quæ tunc recenſeri  
cœpta eſt, porro ſeqvuntur. Et poſt heroica quidem in-  
ter ea, quæ ordinario modo fieri debere, credibile eſt, &  
conſentaneum, in exemplis ex Scriptura Sacra allegatis  
commendari præcipuè poſteſt, ad frangendas declinandas-  
quæ annonæ difficultates fuga, & ex locis hætenus cultis,  
in quibus à penuria victus malè eſt, ad loca, in quibus re-  
rum abundantia reperitur, digreſſio. Diſceſſere ſic Iſaa-  
cus ex ſede ſua ad Abimelechum, regem Philiſtæorum Ge-  
rariticum. Eadem fuga in ſimili tempore civis Bethle-  
hemicus Ebimelechus cum uxore & filiis ſibi conſulere vo-  
luerat. Idemque fecit fœmina Sunemitica. Quin Jaco-  
bus

bus duodecim tribuum Israëlitarum sator non solum filios in Ægyptum ad afferendum frumentum miserat, sed a filio Josepho etiam rursus hac occasione cognito & invento accersitus plane eo, relicta, qua hactenus extiterat, mansione se contulerat. Sed svaserimus tamen simul etiam in hoc præcepto, ut omnia prius probe excutiantur, numque satis honestè & tuto fieri possit, quod suscipitur, quam discessio constituatur. Sane Jacobus, foemina Sunemítica, & Isaacus non nisi ex peculiari vel Dei, vel vatis, svasione divinaque directione & futurarum rerum adumbratione & significatione consilium profectionis sumserant. Foemina Sunemítica præterea in periculo erat, quum reverteretur, ne facultates & possessiones proprias, quas reliquerat, amitteret. Factumque fuisset, nisi accepto ex peculiari regis Israëliti gratia præcepto, quod foemina ad ipsius aures allata erat esse, cujus filius ab Elisa in vitam revocatus sit ex morte, ne sic tractaretur & perderetur, obtinisset. Et quam infelix fuerat apud Moabitas Ebimelechus? Et ipse & filii mortui erant. Vidua verò Naemi domum reversa ob indigentiam agrum hæreditarium vendere cogebatur. Et nominare licet alios etiam viros, qui animadvertenti sic in delicta & populi & sua divini Numinis castigationi præsentem se subicere, quam subducere discedentes & subtrahere, rebus quum publicis tum privatis consultius duxerunt. Hocque intuitu & Eliam vatem & Achabum Regem Israëliticum nominare non veremur. Nam quo tempore nulla pluvia per extensum satis tempus terram humectasset, & vates in terris adstrictis subsistens à vidua prodigiosa licet ratione, alebatur, & Rex alia subsidia, quam fugam quærens, una cum præcipuo ministro divisa profectione ad omnes fontes & rivis se conferebat, an foenum aliaque pabula invenire posset, ne victu deficiente equi & muli & quæcunque supererant adhuc pecora interirent, & perimerentur.

Ad

Ad exemplum Themistoclis bene se gesserit adolescens, si patrimonio vel planè careat, vel eo, culpâ sive suâ sive aliena excidat, si eo impensius rebus agendis se dedat. Ut imperatorem enim istum contumelia, in quam inciderat, quod à parentibus exheredatus fuerat, non fregerat, sed ideò erexerat, quod, quum judicasset, sine summâ industria eam non posse extingui, totum se reipublicâ consecraverat, diligentiusque tam famæ, quam amicis servierat, sic recte in corrigendis rebus corruptis suis se gerit adolescens, si prout aptus est rebus tractandis, strenuo studio res aggrediatur, fortunasque reparare contendat, quas sumptibus, dum in non satis consideratis annis extitit, vel discendâ, cui se destinarat, arti, necessariis, vel luxuriosis etiam, & parando utili reipublicâ viro noxiis magis, quam appositis debilitavit, & occidit; vel fraude etiam fide carentium hominum, alienisque bonis nunquam non insidiantium amisit, & perdidit. De exilitate facultatum in persecutionibus perferenda multa ex exemplis allegatis afferri possunt. Israëlita Ægyptiaci mitigationem malorum precibus supplicibus à persecutentibus contenderunt, David exagitatus à Saulo & ab Abimelecho sacerdote, & à Nabale Carmelitâ subsidia alimentorum, & à Philistæorum rege tutam habitationem simul petiit, & adeptus est. Themistocles, ut ex variis locis, & principibus auxilium affectabat, ita à Persarum Rege Artaxerxe tandem magnis muneribus donatus in Asiam rediit, domiciliumque Magnesiæ sibi constituit. De Alcibiade autem proditum est, quod manu collecta primus Græciæ civitates in Thracia introierit, ut barbarorum præda locupletaretur. Neque dissuaserimus, ut idem alii faciant. Sed concludi tamen velim præcepta prius accuratis, quam sequenda putentur, coarctationibus. Et mitigationem quidem afflictionum innocentissimè ab affligentibus semper petes. Ab aliis victum quarere licet. Sed cavendum in

subsidio

) 3

hac

hac re inter alia est, ne, à quibus juvari cupis, iis noxa inferatur. Quia quidem ex causa animi parum circumspicientis vel David ipse insimulari possit. Abimelechò certè, & aliis sacerdotibus non paucis exitii causa fuit petitio illius, quod ob datos Davidi panes sanctos à Saulo interficerentur. Reusque hoc magis hujus cædis David existimandus sit, quod, quum de re gesta nuntius ad eum venisset, id ipsum se prævidisse eventurum respondit, quod Doegum, qui rem ad Saulum delaturus esset, apud Abimelechum conspexisset. Et repulsam passus à Nabale grandi scelere se obstringere & foedare constituerat, necem & ipsi domino & omnibus istius familiaribus illaturus, nisi sapientissimo opportunissimoque Abigailis, uxoris Nabaliticæ occursum à cœpto consilio avocatus & abstractus fuisset. Factum Themistoclis, quo se apud Artaxerxem conservare studuit, totum damnandum est. Istudque quidem tam, quod, quum, quæ veller, aperiret, mentienti vanitatem adhibebat, se prælio apud Salamina commisso patrem ejus servasse, quem victoria plena & consummata privaverat, quam, quòd, cum pollicitatione, suo auxilio Græciam patriam in potestatem Persarum redactum iri, amicitiam Persæ ambierat; quæ re exitii sibi causa ipse extiterat, quo periit, postquam se promissa præstare posse, desperans venenum ipse sumpsit. Deprædationes non iniquæ sunt, si in justò bello fiant. Laudatoresque hoc in Alcibiade censendæ, quod sic barbarorum potius, quam Græcorum opes impetiit atque invasit. Sed disceptari tamen adhuc ante diligentiori instituta dubitatione in facto Alcibiadis velim, ex quibus causis Thracas aggressus sit, quàm definiat, laudabilis turpisne bonorum aliorum ereptio & ablatio vocanda sit, quæ ab hoc imperatore suscepta est. Et quid sentiamus? Subtracta isti omnis præda iterum à Thracibus est. An fortè vindicta divina ita subduxit, quod non laudando titulo acquisitum erat? Certè ab imprudentia absolvi Alcibiades



cibiades non potest, quod, dum penitus se in Thraciam supra Propontidem abdidit, fortunas à Thracibus abstractas in manus istorum iterum tradiderat, occasionemque adeò & tempus suppeditaverat, quo ad Dominos suos redire potuerat, quod ante istorum fuerat, inque regionibus ipsi indignantium excursiones invisæ abstulerant. Non conceditur nunc omnia vel allegare, vel excutere, quæ ad materiam præsentem ad exempla ante recensita afferre liceat. Quamquam plura in promptu sunt. Intellexeris enim ita præterea non rectè ferre adversa, qui ordinatum à Deo ad tempus victum minus copiosum, parumque varium & diversum aut irritandæ gulæ non satis sufficientem creditum nauseantes & detestati deliciares ambire velint & quærere, ut in multiplices severissimasque pœnas & animadversiones Dei incurrerunt Israëlita, quod rædio demissi è cœlo panis correpti non ex necessitatis coactione, sed sollicitantibus ad appetitiones oblati gubernandisque à Deo pro proclivi inducendos arbitrio præsentium rerum decursibus parum idoneas stimulis, quas ex Ægypto egressos relinquere se coactos esse viderant, nutritiones vehementissima postulatione desideraverant. Sed ad alia institutum nos nunc vocat. Exoranda namque honorifica præsentia est *Magnifici Academiae Rectoris, Illustrissimorum Comitum, Ultriusque Reipublice Procerum, generosissimorumq; & nobilissimorum Juvenum & quicquid in urbe tota literis faveret & deditum est*, solennitati Philosophicæ, in qua adolescentibus natalium & fortis & studiorum literariorum præstantia eximii primos, quos Communitas liberalium studiorum distribuere solet, honores, Baccalaureatumque vocamus, conferemus. Nomina Dnn. Candidatorum sunt

JOH. Gottlieb Bohne, Lipsiensis,  
JO. CHRISTIANUS Polcke, Vratislaviensis,  
JOH.

JOH. Gottfried Stoer, Engelsdorffio Mi-  
fnicus,  
PAULUS DOERINGIUS, Reichenbachio  
Variscus,  
GEORGIUS Reichenbach, Francofurtensis  
Marchicus,  
Gottfried Sendenschwanz, Oederâ Misni-  
cus,  
FRIDERICUS Gottlieb Kranz, Sceudicio  
Misnicus,  
HEINRICUS FRIDERICUS ALBANUS,  
Islebia Mansfeldicus.

Tempusque, quo in Auditorio Philosophico peragetur, quic-  
quid conamur, horam IX. matutinam instantis proximè Sa-  
turni diei constituimus. Quanta igitur contentione possu-  
mus, rogamus & obtestamur, ut quibus res nostræ non di-  
vidiæ sunt, designato loco & tempore compotes votorum  
nos faciant, daturos operam, ut vel pari vel alio obsequio-  
rum genere nulla non data occasione manifestum fiat, non  
petere nobis solum officia nos solere, sed & reddere &  
compensare exhibita conari. P.P. Dom. II. Advent.

A. S. M DCC XII.

---

L I P S I Æ,

LITERIS IMMANUELIS TITII.

00 A 6280

ULB Halle  
002 828 09X


3




Sb.

98/10







22

DECANUS  
COMMUNITATIS ARTIUM  
AD  
SOLENNITATEM  
RENUNTIANDIS LITERARUM SUARUM  
**BACCALAUREIS**

AD  
*INSTANTEM PROXIME SATURNI DIEM*  
H. L. Q. C.  
QUIBUS FIERI CONSUEVIT, CEREMONIIS  
CELEBRANDAM  
QUIBUS DECET, HUMANITATIS STUDIIS  
I N V I T A T.

